



«ЗВЕЗДА»

«ЗВЕЗДА»

6 октябрь 2017ш

ножмар

№ 41 (6572)

Багъа 2 къруш

Газета буклакиссар
1951-ку шинал
ноябрьдания шинмай

Учредитель: Кулал районналул администрация
Кулинская районная администрация

Зунттаву лавхъусса Виричу Цаххуй Маккаевлун 100 шин



Сентябрь зурул 30-нний Кулал районналий ЧЯй-ннал шяраву кIишI ларгунни ва шяраву лавхъусса, СССР-данул виричу, Цаххуй Маккаевлун 100 шин там шаврин хас дурсса шадлугъ. Цаххуй Маккаев бусалардавун агъсса Хъун дяввилул гьурттучу кIулссар Дагъусттаннан ттупру битлай немецнал танкарду ва техника бири-бат дуллай ивкIсса талаталану. Ванал дяввилул ххуллу бай-бивхъуну бур Сталинград шагърулулчIату Берлиннайн биянин. Ва ххуллул лахъи-шиврий ванал ккаккан дурссар пуксса ахир-зума дакъасса къянкъашиву дуссарив зунттал инсаннаву. Мукунна ванал ккаккан дурссар нитти-буттахъул кунна цанна Ватан ххирану талай ивкIшивугу. Цаххуй Маккаевлун гъаз дурссар жула Лакрал сий. Га сийлул бусласиссар мудан-магу Ватандалийн окъни дурксса чIумал га дуруччин, ганил махъ бацIан бюхъайсса чумартсса Вирттал миллатрал дянив чIявусса бикIай-шиву. Ванал цIа абадссар жула миллатрал дянив.

Хъинну ххуйсса хIадур-шинна дурну дия ЧЯй-ннал шяраваллил жяматрал Цаххуй Маккаевлун 100 шин там шаврил байрандалул къини-лийн. Шяраваллил администрациялул лагма, шяраву виричунал суратиртгашалсса, Хъун дяввилул къинирдан хас дурсса чIярусса баннерду ларххун дия. Сий дучIан дурну дия шяраваллил ккурчIав, културалул къатрал лагма. Бакъин бувну бия ххюл бив-чуну машина лаган бюхъай-

мий шяраваллил кIичIиртту. Лагмава гъарца кIанттайва, аэродрамрал лагма ттугъру, ранг-рангсса шарду лавххун бия. Цакънира дуссия шяраваллил хъхъичIсса шамба-чIулий виричунан хас дурсса стела дурну. Вана утти ва стелалул хъхъичI дацIан дурну дия виричунал бюст.

Агъаммий тяхъшивуртту най дия виричунал гъайкалданул лагма, администрациялул хъхъичI, аэродромрай. Байранналувух гъартту хъанай бия: Кулал районналул бакIчий Саид Сулайманов, ванал хъирив-мий, райондалул депутаттурал Собраниялул председатель Гъази Омаров, ЧЯй-ннал шяраваллил бакIчий МахIаммадов Ися, Цаххуй Маккаевлун арсру Сапижуллагъ ва Маккашарип вайннал кулпатру, гъанмаччами, районналул Ветерантурал советрал председатель Загъидиев Аьбдул, районналийсса циняв идарарттал каялувчитал, школарттал директортал, завучтал, дуклаки оьрчIру, шяраваллил каялувчитал, културалул зузалт. МахIачкъалалия, цаймий шагърурдая, шяраваллава байрандалувух гьуртту хъун бувкIун бия чIявусса хIур-мат лавайсса хъамал. Миннавух бия ЧЯй-ннал шяравасса Шалласу Шалласуев, МахIаммад Айдаев, Буйнакск шагърулул ЧЯй-ннал шяраваллил диаспоралул вакилтал ХIусманов МахIаммад, Юсупов Юсуп,

Бугълаев Аьли. МахIачкъалалия бувкIун бия Дагъусттаннал Ветерантурал советрал председатель Аьлиджанов МахIарам, 1999-ку шинал хъусса дяввилулу гьуртту хъусса ополченцинал отрядрал командир генерал-майор Асланов Шамил, ЧЯй-ннал шяравасса МахIачкъалалал «Патриот» клубрал каялувчи аьралий подполковник Юсупов АьхIмад, Лакрал ва Кулал цачIусса военкоматрал зузала прапорщик Юсупов Аьжуб.



Суратрай: Гъайкал тIитIлатIисса лахIза

Гъай-гъай ия шиккува яла хъхъичIунма хъамаличуну виричунал гъайкал дурсса скульптор МахIаммад-Аьли Аьлиев. Бия мукунна цаймигу чIявусса хъамал.

Байран дуллалаву дачин дувуна Кулал райондалул администрациялул вивсса политикалул отделданул каялувчинал къуллулгъ

къабивтсса аьралий майорнал Хизриев Шамхаллул. КIяласса пардав ялтту дуртсса виричунал гъалкалдану-чIату ванал баян бувуна байрандалийн бувкIмий нанишиву Цаххуй Маккаевлун рухI паракъат хъусса гъаттай тIутIал шалкка ва тIутIив дишин. Шикку гъаттай маллатурал бувккуна укунсса чIу-

мал буккайсса къулгъу-къуран. ХIатталлия зана шайхту кIяласса пардав ялату дуркьун Цаххуй Маккаевлун гъайкал тIиртIуна. Гъайкал тIитIин ихтияр дуллауна Кулал райондалул бакIчин-нахъхъун Саид Сулайманов-лухъхъун ва виричунал хъунама арснахъхъун Сапижуллагълухъхъун. Шиккугу бивхъуна тIутIал шалкка ва тIутIив. Вай иширттавух гьуртту хъанай бия мукунна школарттал дуклаки оьрчIру. Вай бия виричунал суратрацалсса гухъаву, ттугъир-дацал, виричунал суратиртгашал кьокьри дурну гъайкалданул лагма бавцIуну.

Гания гихуннаймий байрандалул тяхъшивуртту най дия ЧЯй-ннал шяраваллил администрациялул хъхъичI. Шикку ЧЯй-ннал жямат такну, Кулал райондалул жямат ва щалагу Лак укунсса Ватан дуручлай виричушиврул цIа ларъсса зунтталчу Лакрал дяни-ва уккаврищал барча булла-лисса махъру лавхъуна Кулал райондалул бакIчинал Саид Сулаймановлул, Шалласу Шалласуевлул, МахIаммад Айдаевлул, Цаххуй Маккаевлун гъайкал дурсса скульптор МахIаммад-Аьли Аьлиевлул,

(Ахир 2-мур лаж)



Суратрай: Байран тIитIлатIисса лахIза

ЗУНТТАВУ ЛЯВХЪУССА ВИРИЧУ ЦАХХУЙ МАККАЕВЛУН 100 ШИН



Виричунал арсру Маккашарип ва Сапижуллагъ

(Дайдихъу 1-мур лаж) Дагъусттаннал Ветерантурал советрал председателнал Аьлиджанов МахIарамлул, МахIачкъалаллал «Патриот» клубрал каялувчинал Юсупов АхIмадлул ва цайминналгу. Шиккура Аьрасатнаву ва Дагъусттаннай Ветерантурал союзру сакин дурниа шиннай 30 шин лагаврин хас дурсса мелаллу дуллауна

байрандалийнсса хIадуршиннаравух даКнихтуну гьуртту хъанай бивкIсса ЧIайннал шяравасса инсантуран Дагъусттаннал Ветерантурал союзрал, МахIачкъалаллал «Патриот» клубрал, шяраваллил администрациялул, райондалул администрациялул чулухасса граматартту ва барчаллагърал чагъарду.

Вара чIумуй аэрод-

граматартту.

Гания гихуннай Ккулал, Лакрал районнал культуралул зузалтрал, Дагъусттаннал балайчитурал, школарттал ансамбльданул ккаккан дувуна хъинну ххуйсса концерт. Гур дагъан дуллаллсса музыкалухун къавтун бизлай бия жагьилтал, хъамал, мюрщи оьрчу. Циняв ххарину бия байрандалиа.

Укунсса хъинну хъуннасса сакиншинна аьркинсса давуртту дуллаллсса чIумал гъай-гъай хъинну хъьхичIун ливчусса инсантал янилун багълан бикIай. КIицI дуван ччива ва байранналийнсса хIадуршинна нанисса зурул мутталай цащава шаймур дуллай бивкIсса цаппара инсантуралцIарду: АхIмадов Мяъсуд, ХIанапиев Сулайман, Бугълаев Анвар. Шиккува кIицI буван ччива ва байранналий бакъагу гьарца ЧIайннал шяраву шайсса жяматийсса иширттавух гьуртту хъун бучIайсса ЧIайннал шяравасса Буйнакс шагърулий яхъанахъисса диаспоралул вакилтал: ХIусманов МахIаммад, Юсупов Юсуп, Бугълаев Аьли. Вай чиваркIуннал ка ита дакъавришал хъинну шяраву дуллаллсса давурттавух гьурттушинна дувай муданнагу. Мукун бутгахъал мина ххирану личIаннав зу!

ЧIайннал шяраваллил хъьхичIсса «Пуртихан» залдану тивтIуну бия хъинну нахIусса дукралушлалсса ссупра. Вай дукралул нахIушиву хIасул дурну дия цила кумагчитурашал ЧIайннал



Суратрай: ЧIайннал жямат байранналий

шяраваллил культуралул къатлул директорнал Алхасова СалихIатлул. Цуллу баннав ина СалихIат, культуралул давурттив янилун дагъанну дачин давришал ина ххишалдаран хъиннува цигьуршиву дувангу пагъму ххисса хъамитайпа бушиврий.

Байран нанисса мутталул лахIзалулу ттуща бювхъуна Цаххуй Маккаевлуя ихтилат буван Багъатыров Гьаруннушал:

- Цаххуй хъанай ур ттул кулпатрал Ханзадал буттарссил Къисттаманнул лас. Цаххуй ттун даКнири нава чIивину унийва. Га ия даКI хъун дакъасса зунтталчу. ТачIав цува виричура тIий хъьхичIун личайссагу акъая. Га дия 1961-ку шин. Ттун га чIумал дия 12 шин. Жул кулпат ттул ссу Бисланнай шар буллай жула ЧIайричунан тихун га биян буван грузовой машиналий най буссияв. Жушал уссия Цаххуйгу.

ТIайлая га уссия кабиналуву цала цIукугу хъазамравун лачIун бувну. Жу тихун биянин чувчIав цилчIав рахли бакъа бацIан къабувунав. БацIан бувнийгу цIукулушлалсса Цаххуй ххал шайхту виричу най ур куну ххуллухъин чайва. Тийх Бисланнайгу ганал чIарав гъан хъанай виричу тIий тамаша буллаллсса чIявусса инсантал бия. Лагайссия Цаххуй Туркменнал Чард-жоу шагърулийн шар хъуну тийх яхъанахъисса цала душничIангу. Тийх ванал цIанийсса кIичIиравалугу буссар. Эбрат ласун бучIисса бунияласса Виричу ия Цаххуй, - куну бувсуна.

ЧIайннал шяравусса Цаххуй Маккаевлул 100 шин там шаврил шадлугъру лахъи ларгуна ахттакъуйнин.

Барчаллагъ Цаххуй жун бахшиш дурсса тархъаншиврухлу!

XI.XIусайнов



Суратрай : хъамал гъайкалданучIа

чIайннал шяравасса дяввилия буттахъул занакъавхъусса цаппара инсантуран. Дуллауна мукуна

ромрай най дия жагьилтурал дянивсса пут личаврил, гъаз даврил бясччаллу. Шикку ххуй хъуминнан дуллауна



Суратрай: КъавтIаврил лахIза

ШЯРАВАЛЛИЛ ХОЗЯЙСТВАЛУЛ ЗУЗАЛТРАЛ КЪНИИ

Гъашину шяраваллил хозяйствалул ва переработать дувайсса промышленностьрал зузалтрал къини кӀицӀ лаглай бур октябрьданул 8-ний.

Шяраваллил хозяйство хъанай дур паччахӀлугьрал цӀакъшиврул гъануну. Мунихтуну цумурцагу билайтрай, цала паччахӀлугьрал цӀакъ гужлан шаву мурадрай ялв бавцӀуну буссар шяраваллил хозяйство хъхьичӀуннай шаврил. Шяраваллил хозяйство хъхьичӀуннай шаву мурадрай дуллалисса къулагъасрайну, буручлачиссар конкуренциялуя, къамул дурну дуссар шяраваллил хозяйствалун цӀакъсса, хасъсса программарду, паччахӀлугьрал чулуха миннун ка бакъаву буллалисса. Агарда мукунсса къулагъас дакъахъурча, шяраваллил хозяйствалуву хъусса кризисрал гъарца зад лиян дурну гъантӀиссар ва билаят шяраваллил хозяйствалул лирну личӀантӀиссар, чил билаятралмий тӀутӀайх дичлантӀиссар.

Мукун бикӀайшиву жунма цӀанугу чӀалайнма бур. Рынокрал экономикалийн бувкӀусса чӀумал жула билайтрайсса шяраваллил хозяйство лирну ларгунни. ЧӀарусса хозяйстварду ларкъусса хъунни хайр ласун къабюхълахъаврийн бувну. Мунихтуну шяраваллил хозяйство ччаннай дацӀланшиврул жула паччахӀлугьрал къулагъас хъун дунни миннун аякъа давриву. Му мурадрай билайтрай къамул дурну дуссия миллатрал хъхьичӀунмур проект « АПК хъхьичӀуннмай хъун баву» тӀисса. Ва проект дурган дурну дуссия, кӀулсса куцӀуй, шяраваллил хозяйствалуву ризкъи я баву хъхьичӀуннай шаврих, агъалий гъарца хъун баврих, цайминнащал данди бацӀан бюхъайсса сельхозпроизводство сакин даврих, агробизнесрал мюрщими къайдарду хъхьичӀуннай шаврих. Вай иширттангу паччахӀлугьрал бюджетрава чӀарусса арцу дурган дуссар ва шяраваллил хозяйство иширайну ччаннай дацӀлацӀаву дайди хъуссар. 2008-ку шиная шихуннай ва проект кӀура даян дуссар шяраваллил хозяйство хъхьичӀуннай хъун даврил ПаччахӀлугьрал программалийн.

Жула районналул гъанумур хъанай дур шяраваллил хозяйство. Шяраваллил хозяйствалуву рынокрал буцилийн бувкӀун махъ жула районналул шяраваллил хозяйствалуву зий бур 20 СПК, мукъра агрофирма, хъудугъул-фермернал хозяйстварду, 16,4, шаназардахъул цивппа-цивппа заллусса цаллалусса хозяйстварду. Вай хозяйствардал биялларалу дур 146 980 га аьрщарал. **Миннува 4767 гектар** ххалал лухччал, 114166 гектар лухччал, 3629 гектар хъуруннил, 21 гектаргу дур багъирдахъ.

Районалий ккалли хъанакъисса хозяйствар даву ябуллай бур 213 азарунни ливчусса ризкъи, миннува 16,8 азарва бакӀ лухӀи ризкъилул, 196300 бакӀ яттил хӀайванналул.

ХӀисав дурсса чӀумал районалий ялапар хъанакъисса, зузисса инсан хӀалану ур шяраваллил хозяйствалул давривух, ччарча ризкъи ябуллай, ччарча миннунсса лазуни хӀадур дуллай, ччарчагу хъу-лухччиний бакӀлахъру хъун дуллай. Мунихтуну шяраваллил хозяйствалул зузалтрал къини-му жула цинявпалагу аьмсса байран къини хъанай дур.

Миннаву чансса бакъар хъхьичӀунну буллалисса захӀматрахлу жула даян бусрав хъуссагу. Барча хъуннав жула шяраваллил хозяйствалул хӀакъсса зузалтрал байран къини!

Ветеринар хӀакинтурал совещаниялий

3-октябрьданул Ккуллал ветеринар управлениялий хъунни ветеринар зузалтрал дурсса ва дансса давурттал жям дуллалисса совещание. Совещаниялий гьуртту хъунни къутаннайсса ва лаккуйсса вет.участокирттал зузалт ва мукунма Ккуллал СКУ-рал начальник Рамазанов Рустам, районналул администрациялул виваллил иширттал политикалул каялувчи Хизриев Шамхала, ва Гъанжилия увкӀсса Госветнадзорданул начальник Сулайманов Мирзахан, Лакрал ва Ккуллал районнал госветнадзорданул каялувчи МахӀаммадов Мямма.

Совещаниялул ххал бигъинсса масаларду бия укунсса.

1. 3 кварталаний 2017-ку шинал дурсса давурттал жям даву, ва мукунма ва шинал лавгсса 9-зуруй дурмунил жям даву, ва мукунма 4 кварталаний ветеринар хӀакинтурал дуллалисса давурттал масала ххал бигъаву.

Вет.управлениялийн бувкӀсса чагъарду ва приказирдащал кӀул баву, цивгу бувкӀсса ветеринариялул комитетрая Дагъусттан республикалул.

3. Жура-журасса масаларду ххал бигъаву.

1. Цалчинмур масалалул хӀакъираву ихтилат бувна вет.управлениялул хъунама хӀакин Мирзаев Аьппаслул. Мунал хъинну хъирив лавну бувсуна 3 кварталаний ветеринар зузалтрал цила-цила участокирттай дурсса ветеринарно-профилактические давурттая, ва мукунма къадурну ливчӀмуння.

Хъирив ихтилатру бувна гъарца вет.участокирттал каялувчитурал цила зузи кӀанттайсса буруккинттарая. мува масалалия ихтилат бувна Вет.управлениялул начальник Будайчи ХӀажирамазановлул, ва чӀурчӀав дуруна цинявпагу ветеринар зузалтрахъ цила даврил буржру дакӀ-маз тӀайлану биттур буллан, ва мукунма ветеринар зузалтрал дурмунил отчетру чӀумуй ва тӀайлану дуллалаву, ва чӀумуй диян даву ва мукунма яттинсса оспалул ххалаххив баву чара бакъа ва цавагу лях гъан къабивтун буван аьркиншиву. Ихтилат бувна мукунма районналул хъунама эпизоотолог

Мирзаев Аликул гл. паразитолог Рабданов Расеннул, вет.лабораториялул директор Абакаров Абакардул, районналул хъунама гос.вет.инспектор МахӀаммадов Мяммал.

Вет.управлениялул начальник ХӀажирамазанов Будайчил кӀул бувна цинявпагу зузалт идаралийн ветеринариялул комитетрая бувкӀсса чагъардащал ва приказирдащал.

Жура-журасса масаларду ххал бигълайкун баян бувна хӀукуматрал чулуха бахшишру дуллалишиву яла ва кӀицӀ лавгсса ветеринар зузалтрал.

1. Хъусрациял вет.-участокрал заведующий Закарьяев Рамазаннун-Дагъусттанал правительствалул почетная грамота.

2. ЦӀушарния МахӀаммадов Аьбдул-Вагид-Аьрасатнал шяраваллил хозяйствалул чулухасса грамота ва мукуннасса грамотарду дуллунни Буттаев Кариннун Аьлиев Хизрин, Ванатиева Кисараннун-вет.лабораториялул лаборанткан.

Хъирив цила ихтилатраву Сулайманов Мирзаханнун барча бувна вай лавай кӀицӀ лавгсса зузалт бюхттулсса бахшиширттащал. Хъирив бувккуна хъунама вет.врач Мирзаев Аьппаслул: Постановления. Миккугв кӀицӀ бувна. уттинин 3-

кварталаний дурсса давуртту бучишиврий хӀисав дан, миккугу анжагъ 4-5 барз хъусса бюрчурдийн бруцеллезрал дарув баву личӀаннин. Буржлув бан къутаннайсса вет.участокирттал сапроводительный документру буцӀин буллалини 3-гъантлул даян муния баян бан ккуллал вет.управлениялийн, электрон система « Меркурий»-лувун хӀисав баншиврул.

ЦӀила чӀумуй байбишин биттур дуллан 4 кварталанийсса ветеринар-профилактикалул давурттив ва ми даражалий, цуппа-ца хӀайван лях гъан къабивтун.

Буржлув бан цинявпагу къутаннайсса ва лаккуйсса вет.участокирттал заведующийтал зузаврил, даврийн бучӀаврил, лагаврил низам дурччуну зун, низам лиян дуллалими таммихӀайн кӀункӀу бан.

Хъхьирану душиву чӀурчӀав бунни агъалинан ветеринариялул агъамшиву бувчӀин буллалисса даву ва мукунма ризкъичитурал даян дуллан бувчӀин баву, чӀунчӀумуй гьуртту хъанан районналул « ЧаннацӀуку» кказитрай бувчӀин баврия ветеринар хӀакинтурал буруккинттарая макъалартту чичлай.

ХӀукумулувусса циняв маслартту биттур шаврил хъирив ацӀан буржлув унни вет.управлениялул хъунама хӀакин Мирзаев Аьппас.

А. Аьбдуллаев

Баян

ЗАКАЗ БУВАРА!

Хъинну къювкъусса багълий буллай буру шкаф-куперду, прихожирду ччимур журалул. Миннул дуцин дуваву, щаллу бувну махъ зу ялапар хъанакъисса шяравун лавсун бучӀаву ва бацӀан баву украссар.

ЦӀуххаву дуван тӀалав буван бюхъайссар телефонналул ва номерданийх: 89285017706

Редакциялул адрес
368390, Республика Дагестан
Ккуллал район, ш.Ваччи

Издательнал адрес:
Республика Дагестан
Ккуллал район, ш.Ваччи

Газета регистрировать
бувсар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

**Хъунама
редактор
А.И. Къянчиев**

Газета бавтӀуссар «ЧаннацӀуку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. МахӀачкъала, пр.
Насрутдинова 61,

Буккайссар ножмардий цал,
Индекс: 51317
тираж 657 экз. Газета итаба-
къин къулбас дайсса чӀун 17. 00,
къулбас дурсса чӀун 16. 00

gazetazvezda@mail.ru